

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Joh. Jonstoni Thaumatographia Naturalis

Jonston, Jan

Amstelodami, 1661

Caput XXVII

urn:nbn:de:bsz:31-97032

Vox illius. *Se si alicui malum vellet quem aperta vi aggredi non valeret, auctorem ipsi Chymia exercenda futurum.* Sennert. lib. cit. Cæterum varia ex auro facta opera, omnibus exploratum est. Heliogabalus aureis vasis ventris exceptit onus. Xerxes platanum auream habebat, sub quo consueverat sedere. Rex quidam Ægypti filiæ cadaver in vaccam deauratam condidit. *Agricola in observ. Metallicis.* In citeriore verò Germania intra Danubium vites extitisse, quæ claviculas & pectorumque candicantia folia ex puto auro germinarent, author est Alexander. Causa additur. Cum ibi aurifodinæ sint, subitus coalescere in radicibus aurum & una ingenitum ac condensatum occulta origine, dum germina emittunt vires, mirabili naturæ constituto aut decreto stellarum, aurum simul erumpere. *Alexand. ab Alexandro l. 4. genial. dierum.*

C A P U T XXVII.

D E A R G E N T O .

Argentum purum multis in locis effossum est: in duobus tamen in Germania præsertim. Ex Snebergensi fodina tantum est extractum, quantum vicies centena aureorum Rhenanorum valeant millia. Aberthamensis centum quinquaginta millia dedit. Tantum ante aliquot centenos annos Fribergensis, quantum Bohemiæ regnum emptu siccisset. *Agricola in præsat. in decem fossil. libros ad Henricum Principem Misena.* Itaque Henricus Princeps grandem ex argento prope Northusam statuit arborem, ut eorum foliis, (pars horum aurea, pars argentea) nobiles qui feliciter in equestri decursu certamine, donaret. Grandes vero aliquando eruuntur massæ. Tempore Alb. Saxonis Snebergi ranta, ut ea loco mensa in fodina usus fuerit, dicens: *Fredericus Imperator potens & dives est, hodie tamen ejusmodi mensam non habet.* In valle Ioachimica pondo decem Talentum Atticorum quondam eruta dici-

dicitur. In varias illud format natura figuræ. Arborum modo, modo capillorum exhibet specie. Inventum & frustum in argentofodinis Rudolfopolitanis quod crucem & leonem ad vivum repræsentabat. *Gebler. Ep. 2. de formica.* Color illi est albus, inventur tamen & viride. Rude subito impositum igni exilit. Cum plumbum nigrum cum eo permixtum, in magno coquitur catino, partim in Molybdænam, partim in Lithargirum mutatur: Vbi vero diutius arserit, aliquid deperdit. Acria ipsum corrodunt. Varia ex eo opera. Apud Tectosagas molæ argenteæ fabrefactæ sunt inventæ. Clypeum Barchini Aladrubalis argenteum, pondo centum triginta octo fuisse, scribit Histoticus. Ex argento puro facta passionis Historia, & duodecim Herculis labores, ad Regem delati Ferdinandum. Ad Carolum Imperatorem columnæ ex argento conflatæ. Ipse è Mexico advexit Cottus. Precium ad quadraginta novem aureorum computabatur millia. *Majolus de Metallo.* Dianam in cervo cum canibus & ipse conflatam vidimus; horologium à tergo, varia circa insectorum genera, vivis fauna imaginibus. Mensam referebat sustinens, variis intus instruclam rotulis. Currebat illa, quasi horum videbantur capita, retrovolvata ubi istæ fuissent. Ferax agenti præsertim India. Notæ Potosi fœdinæ, de quibus apud Geographos. *Bertius in Geographia.* Noti & Hispaniarum thesauri. Novem vicibus centum quadraginta quinque aureorum millions advectos, qui novè scriptum reliquerunt. *Boterus in Hispania descriptione.* Quinta argenti portio quinque auti si inerit, sive Electrum. Ex quo quondam calices, ideo quod venena deprehenderet. Namque discurrunt in calicibus arcus coelestibus similes, cum igneo stridore & geminatione prædicunt. Ad lucem argento splendidius cernitur. *Plin. l. 33. cap. 4.*

C A P U T